

Mein erster Kirchgang!

Op kölsch

Wie ich en die große Kirsch erin kom, han ich mich irsch ens erschrocke.

Janz fürre wor en riesen Bühn mit ner Thek opjebaut.

Äwwer in der janze Kirsch keene Disch zu sin.

Do schellt et laut, un et komme 3 Maskierte us de Dür erus.

Ne Ahl un 2 Männche.

Die komme direk midden in die Kirsch jeloofe un spritzten de Lück naaß.

Ich dach: Nächste Woch bringste och ding Wasserpistol mit.

Dann wollte se och noch Fürsche mache, dat muß ewer nit jeklapp han, denn im

Nullkommanix wor die janze Kirsch am qualme.

Als se all jot am hoste wore ,donse dat Qualmöffje widder fott.

Jetzt jinge die 3 an die Trepp für die Thek.

Da hölt der Kleen däm Ahl die Kapp vom Kopp un braat die fott. Halt, dach ich, watt wied dat jewe, wenn der Ahl die Kapp vermiß? Un richtig, der Kleen wor grad fott, do jing die Söökerei loß.

Der Ahl böck sich un söök die Kapp om Bodem, die Kleene knieen sich hin und don su, als ob se och sööke.

Ich hätt däm jo sage künne , wo die Kapp es ,ewer ich dach: Loß die ens sööke ,wenn die no ene Minut at nemmmie wisse, wose se hinjedon han.

Wie die do unge nix finge , jing der Ahl die Trepp erop
un sat jet in ner andere Sproch.

Dat muß jeheße han: Oh lever Jott, ming Kapp is fott!!

Die Lück standen all op un riefen: Mir han se net, wat
willst Du??

Wie der von dem Balkönche eraff kom, schickte er eene
von der Männche Geld insammele. Wahrscheinlich für die
neu Kapp!

All däte se wat in dat Körfje.

Dann jing er op die rechte Sick von der Thek, schloch e
schwer Adressboch op un fing an zu bläddere.

Ich dach: Jetz söök der bestimmt no der Adress von dem
Jeschäft, wo er die Kapp jekoof hätt.

Scheinbar hätte se nit jefunge. Er jing wedder in die
Mitte von der Thek, driecht sich erüm und rief janz
laut:

Lever Jott, ming Kapp is fott!!

Do muß eene von der Kleene Angs kreeje han, denn wie
der Ahl mid dem Pokal die Trepp eraff kom, brat er däm
die Kapp widder. Jetz hatt der Ahl die Kapp widder un
och dat janze Jeld ,su kütt me natürlich och zu jet.